

養

一

齋

詩

集

養一齋詩集目錄

卷一

四言詩三首

五言古詩三十六首

卷二

七言古詩二十七首

卷三

五言律詩三十八首

五言絕句十一首

卷四

七言律詩七十一首

卷五

七言絕句一百四十三首

卷六

別集文二首詩四十一首

附唱和詩文二十一首

卷七

詩餘十一闋

卷八

補遺

右養一齋詩集八卷武進李申耆先生著今秋七月既以先生之文集印成帙於是夏君永曦韓如就同學諸子所鈔詩本分體編成見示會周君唐士_{廣良}子_衡復從而校理之俾承鉅與黃君仲孫仍視排印附於文集之後先生博極於學深造以道言必有物隨感而發於文有然於詩亦無不然故不特

於倫紀民物致忠愛之纏綿卽小小題咏亦自理
趣盎然流溢楮墨未容以尋常吟風弄月視之也
茲稿大都作自近年且多率酬應之篇固未足
盡盛美之觀矣嗚呼先生篇什之富十倍於斯顧
以手稿旣脫不自存省門弟子各秘所藏未及會
合今之所纂皆本江陰蓋由江陰學師劉幾山先
生與先生交最莫逆無間死生抗揚風雅有自來
焉而此邦士氣之厚要有可見然則羣弟子各抱
殘遺庶幾惠然肯來各思景附於高義固跂而望

之已道光二十三年癸卯立冬後十日高承鉅識

養一齋詩集卷第一

武進李兆洛

四言

閩菴屬吳冠英寫照而屬予名其圖予戲應之曰

蔓難圖閩菴曰唯唯名以除蔓蓋閩菴方治本

草將刪去蕪翳而復本初也圖成屬予爲之詩

我行中唐蕪穢無算紛紜交繚動輒囁絆呼童手鐫爲
我一辨面目斯出蛙鼃皆竄顧語兩童汝視無亂佳惡
乃判汝力無憚根株乃斷汝意無玩恐其得半汝心無

養一齋詩集

卷一

牽防其善眩惟蔓難圖故圖其蔓圖之不盡覆出爲難
嗚呼人世文字滋患安得蘿氏施其快腕一朝廓闢俯
仰清晏軒皇始造百毒俱嘗岐伯致精想其勤後之
粗工妄爲簸揚抉厥真意庶幾重光王塗載砥民生平

康

收盦某君配沈宜人繡花鳥成對幅爲其君舅繩
齋先生壽宜人沒後令子焜裝池以爲傳寶屬
予識之

穆穆德門祁祁釐女門子循陔女士弄杼屑玉聲膳塞

秀淑齋代匱絲縷傳芳錦心春乃在指針亦有神麗含
湛露穠舒彩雲精模婉渝巧回造化愛日流暄萬花承
蟬纖織素手窈窕清思黃絹幼婦有逾好辭花接跗
葉葉垂腴寶此誦芬千齡不渝

錢鑒遠遺照

意行自適蕭然閒雲山氣鮮翠襍色繽紛手持紫芝顧
弄幼孫敬奉一筐天英日新佳哉小阮此圖君從予所
畫肖貌取神生氣遠出著手成春思之雖遠卽之若親
見似目瞿貽厥後人

五古

史忠正家書手跡墨刻

國破遑問家仁成敢辭死扶顛權不屬多壘誰之耻可憐一邱貉殉以獨角腐點墨已化碧百世見君子

嘉慶甲戌三月得剝蝕晉瓢其文足資考覽製硯

作詩以諗左杏莊

茲都古下蔡山水天險巇自昔遭世屯往往尋戈矛城
戍錯衆星薈址埋榛叢此磚紀泰始晉武吞吳時陳騫
與王渾相繼守邊陲想其逞雄據墉塹紛峩巍浮雲一

俯仰去我千年餘遺烈賴有此泥土亦復奇今時器苦
窳金石無貞姿尚哉古之人搏埴能爾爲况乎古人心
久之固不虧攻治儼書策古光同照眉豈無荆山璆熟
媚非我思

贈子常

賈傅始弱冠終軍亦妙年吾今已過之偃蹇行自憐非
怨遇合遲吾學實未全道高身自尊進退非徒然

李杜二公像

太白真達者忼慨負經綸風塵識子儀奇偉固罕倫淪瀟

灑動至尊宮宦不敢伸抗歌古梁甫韜意惟飲醇子美
乃志士稷契思致身側身亂離中眷眷不忘君低頭拜
杜鵑大義孰與陳所至陳殷憂尋常淚沾巾兩贊展所
志房魏斯其鄰立言有本末道與風雅親吁嗟千載下
奉以爲詩人

爲何明府竹薌題村居讀書圖

道心筦萬化學海宗衆流自來幹濟才惟向詩書求而
况仕優學不作鯀生鯀開抱納名物矢謨裨畦旒居籠
念入畏後樂當先憂明府偉志業世澤承清修一鳴高

固鳳載驅單父騶飾吏盛經術導窺無全牛劬勞束官
鞅偃仰懷舊邱良繪遜荆關樂意綿春秋豈伊賦招隱
豈伊倦行休諸葛南陽舍希文長白遊小年益所集今
日效所收憤樂結中腸寤宿常勾留乃者辱賜聆授簡
令銘幽惟尊先大夫純蘊高風猷聚書三萬卷大義勤
研搜適幾用無滯貞賤藏以周是其彌綸功詎與咷嘵
侔嗣緒式彝訓恢耀益炳彪諸公盛文藻珠玉方交投
竊伸臺萊思擇言曷敢墮下走耕東臯爨虛食不謀亦
有半畝園草宅那得抽枯蕘遑自計蕭條盈輩儔幸因

容隙光回彼羲和輶卉木感春至綿羽亦有鳩當攀河
陽花擊轂陳吳謳

桐城吳貞女

五教稟天紀大義一以絜致身與次要豈以男女別古
聖重抑陰原情取通脫守死以養道於婦不深責祇求
便庸愚非曰律賢哲能揆心所安義起禮所揭含章筮
可貞代終補天缺煌煌著爻繫此誼誰剔抉偉哉貞女
行卓然姬姜臯慷慨期赴義從容蹈安節此身未分明
此志自堅決七年何遲遲百鍊見神鐵姑衰悼喪子有

女親可悅夫蓼本無兒有女祀無絕生死兩不負苦樂
百無缺宣尼存栢舟千載爲嗚咽端拜展此卷春日北
風烈大地條嶠嶢彌空舞陰雪窓前數竿竹戛戛自刪
切冷然疎梅香坐令心神徹

李心陔渡於津梁圖

天涯渺難卽吾意其蹉跎江上無芙蓉攀裳竟云何吾
子好筋骨卅載歷坎坷陸豈無虎狼水豈無蛟鼈行行
爲誰驅萬里俯仰過詎云恃忠信遂可輕風波放杖以
小休陶然契天和託宿在何許前途尙陂陀造物勞以

生未死敢有他息陰諒非遠逝者亦已多仰視滄浪天
效彼勞者歌努力爲我起斯路幸不訛甘受田父笑毋
爲僕夫呵請借雙行牕以爲安樂窩

德明府以題孫虔禮書景福殿賦真蹟詩見示次

原韻

藝極猶懸權識貿或幹鼎要能天際翔庶不風穴騁章
草篆之出阡陌破邱井崔張趨簡易綿密轉清迥右軍
守恬暢如水淡彌永大令擢飛騰翼翼駕項領雙源遂
分導百旆揭一準文皇負貞氣縱送劑寬緊兀奡屏風

書想見龍德靜咄哉孫虔禮驂駢一何猛書譜入大王
圓塔辨町町瘤墮但針腦蚤正必視綆茲賦追阿敬推
陳更標頴一掃旭兼素重覩芝與靖鐫之璆琳珍長與
奎璧耿苟非洞見垣何怪礎揉礦肘腕論回旋走也謝
不敏赧然矢盡各率爾子何哂

酬季仙九觴荷詩次韻

惟頽嗜佳句而苦不善詩义手乞一聯與否難可期假
寵於名花此計良亦奇鑿沼數十弓荷花千百枝豐柔
健仔骨冰雪姑射肌有如江瑤柱聞者皆朶願履焉交

衆賓剝啄遙云疲寤寐彼澤陂湖洄伊人湄往往倒載
歸不異習氏池如此三年來詩境常修治卽事且爲樂
念往多參差前年十二客各各神仙姿詩牌鬥先搆觴
政任所施去年舉斯爵忽忽神不怡喬公遽凋謝腹痛
醉空卮宜興大小劉分地巖卉蒸蕭家好兄弟巫雲勞
夢思所幸祝次公頓得同鄉嬉今年舉斯爵茫茫意無
涯傷哉同心人草堂彼一時卅載如旦暮已矣能勿悲
黃公以學仕試可尙未期畱者僅吾子苦苦訴將離跋
烏剎那間聚散焉取斯明年一樽酒知復誰與持賤子

成羹落資老固有宜吾子凌晨葩努力耀朝曦窮愁不
爲病且借詩酒醫偏師幸尋盟聊願屬鞬隨君嫌蟻封
窄廣場樹鼓旂組練四百士介馬滿長馳此皆一當十
大敵安敢欺吳宮教戰女爭從壁上窺赤憎擅廣袖翠
點麗明漪颯爽來助戰瑟瑟生秋颺何異鄒魯闢三孔
其哭辭乞降諒不納獻此忸怩詞礮礮戍或歛回谿翹
終垂賀錢旣已入栎來亦不遲所餘風鶴驚屋角叫鶩

鵠

雲海浣衣圖爲莊卿珊瑚題

我昔登九華夜宿東巖巔是時歲丙子正月方初旬萬物咸閉蟄殘雪晴斑斑侵晨披衣起乃覺世界翻不辨身所在眼際無涯垠側聽地底下啾啾人語喧須臾識高卑乍吐東方暾絕訝歷陽都夜半平沈淪極望了無覩但見波粼粼金碧露遙岫彷彿海上山撼搖勢疑動變幻如有神回看此岩後萬壑何甡甡蒼翠淨松竹窈縹分人煙方怪左右顧咫尺殊地天晵見一縷白遠從林隙穿其細若絲髮徐裏類曳牽轉瞬成汪洋山谷浩漫漫溢溢直上出突兀茲岩端前雲亦躊躇回互通

連頓然蹈虛空此身爲飛仙口鼻入靈氣肺腑皆氤氳
但苦衣襟濕清冷思負暄却想天臺峯峯處最尊下
岩往尋之冥行窮躋攀寸步不可辨牽手如飲猿拄杖
已屢卓投足猶逡巡時臨百丈崖耳中聞潺潺旁有瀑
泉落僵凍掉如銀目瞬股震掉一墜愁難晨數轉勢彌
峻石梯鐫青岷陡上且千級力盡始少蹲倏爾天風來
驟見曠宇分諸峯出鬟髻漂散鳬鷺羣風回氣旋合昭
昭復昏昏前行更久之豁若離籠樊來徑不可覓已在
天臺前置身鴻濛表揮斥八極旋九州及四海自古何

茫然呼吸接帝座下界空嬰纏此行誠超奇往往勞夢
竟今朝展斯圖大笑敷夙歡君遊是何許有此世外緣
意似畏沾濡時立裳屢褰沾濡正不惡洗盡紅綃塵人
海常苦辛宦海常苦屯茲惟光明海澡浴一任君至道
無視聽入於杳冥門離形御六氣洗心歸渾沌霄路有
煩累願海無迷津吾方期雲將攜手登崑崙

題趙烈女傳後烈女將嫁聞夫墮水死卽投井以
殉而其夫實未死也

柔情微如絲急之那不斷柔情紛如絲棼之那不亂區

區抱冰玉一往絕顧算矯矯貫金石千秋想崖岸此事
禮所無此志聖所嘆鮑焦無從容魯連乃深贊從來宛
轉字釀盡鄙夫案

性初汪君以生壙圖屬題時正爲亡兄營葬事在
原之痛觸此彌深稱心而言語不能擇

五倫有真樂最樂乃兄弟疴癢非殊身呼吸歸一極小
時鈞笑啼長更通聽視妻孥雖云好究與性真詭朋友
雖云密淄澑各一水何如華與跗生理內相倚汪君示
此圖披圖讀君記未半神內傷終篇雪如涕賤子有哲

兄愛弟入骨髓晝讀常連床夜卧每同被甘美不獨御
衣裳必均製旬月不相見往往入夢寐中年困人事別
輒曠年歲晚乃得聚首顧景惟恐墜從容爲弟言百年
諒非易爲歡幾何時轉瞬死將至生時苦歡促死或絕
移徙當與汝同穴終古並肩臂賤子笑而答此恐乖古
禮不若擇閒敞相比作幽窻尺尺聯簷楹朝夕成晤對
所願未及營阿兄遽捐棄遺言猶在耳此約那得遂敬
當奉遺骸及早安蒿里先塋有餘壤穿隧祔祖禰死者
如有知此恨詎云弭生者雖未死生日亦短矣茫茫視

前途切切負芒刺君懷何磊落君計復深至便將身後
圖狃作目前事俯仰卽陳迹得此且快意期君果此緣
雪我銜骨耻感此心忉忉出語忘忌諱知君弗嗔怪君
意固爾胥

送吳碩甫之官寧羌

蓐收已挈令祝融撓其司嬉嬉出眉日頃頃逃傅箕庭
階大火聚几席成熾炊氣出不可內膚燔旋欲糜宵晝
劇展轉手足無所施似聞藐姑射乃有神人居一任金
石流不爍冰雪肌我今便欲往安得飈輪馳君子鐵石

骨隨遇能逶迤置之洪爐中百煉要不移造冰自有術
懲羹徒爾爲小官亦油油柳下誰云卑征車一以駕乃
至漢沔送子烈日中念子嚴霜時寒暑諒無改弦望
難可期詩成山月吐瑟瑟生涼颸恍如故人來慰我須

臾思

德西礪明府貽詩題曰酷熱才來宜攝心待之次

韻奉酬

外物恆河沙我心乃列肆加以耳鼻口招彼色香味說
寒膚已栗說熱腸先沸不求息陰處但祝白日墜是名

苦中苦求遂無一遂今我與心約無與外物比我心本
非有彼技安所試假如虛空中豈畏百爐熾繪風固小
術造冰亦鈍置炎涼及苦樂并之置一器到處絕沾着
所向皆吉利便蹈大火聚焦灼永不被得全而全存不
傷非善避法王法如是諸法皆粉粹荀子儒效篇注粹

與碎同

滇海南歸圖爲德明府題

身世瞬今昔勞結關天誠契契念明發駿駿感斯征萬
里豈不遙况乃辭幃幙棧飯登頓亟水宿風潮并齒至

尹環列宮版固有經茹泣別燕寢靡鹽趨王程十載羽
林郎鼈勉夥朱纓愛日敦詩書丁時奮翔鳴滔滔迅波
逝亹亹遁歲籥致粟乖負米奉櫨空專城圖畫改顏色
涕淚爲縱橫運往詎堪把時來意彌振側聞先將軍風
義冠萬英戎凱殺敵果師中丈人貞慮變有元理幾克
無智名力紓未酬志嗣緒記有成使君久滯畱冲襟詎
爲盈百里亦朝寄一經惟政衡涉世如遵途夷險非力
爭端凜跬步謗未畏卻足行渙山高曷極洱海廣且清
庶幾廸前光補勒天柱銘

陶雲汀中丞海運圖

神瀛在天地梯米在太倉以此維正供役彼百谷王衡
尾千百艘逐一鳬雁翔直抵析木津疾若天船行天吳
粲然笑羞彼淮與黃前事得龜鑑涉險噬鼈梁

帝德侔造化

王路窮梯航籌海資勞臣擘畫周且詳非徒天儲供及
時成浩穰非徒河隄使藉可力濬防東南民力竭司牧
多孔瘡嗷嘈樓船聲叫噪未渠央藉茲暫息肩徐與平
料量壯哉洵遠遊通變乃久長高臺蘆海澨翹首極混

茫此時勞臣心遠與雲帆將

題葉兩垞詩冊

亢宗自署考次山春陵行驅鱸韓潮州化梟仇蒲亭言
語所流露皆載真精誠坐令千禱下俯仰懷英名使君
繼高軌綰符下蓬瀛幾年宜春宰再歷宜安合百里聊
小試淵險皆爲平風猷夙標映翰墨紛瓊瓊吾民會有
福換縣來汀城江城漸凋弊振起資神明鄭儒念寬難
楚滿箴勤生大均善更化適變能以經讀公卷中筆豈
弟流心聲窺公太和抱父母在我庭惠孚置郵速期月

知政成扶攜聽謠頌泚筆猶能廣

江陰別康生竹吾

別思不可任况終一星久吾衰復何云子壯幸無負展
采旣陳力克家亦肯構勤勤懷苦心抑抑若畏咎轉盼
黃閣開夫豈白屋偶諒知蓄積素詎待壇篲誘私懷抱
縷縷陳義竊貿貿始在不滿篤終貴有守周防慎其
獨輔仁取諸友出入使知懼福祿所從受茲焉懷永圖
歲月不可狃

嗜好盡無益藉以悅我生悅之惟無涯反足盪其情走

也苦多好并力常兼營仰思捫列宿俯欲周裨瀛遠乃
極蒼籀近亦搜岩吭日力旣已耗用財尤無經因之困
紓籌左右艱支撑事後豈不悔故智若易萌小物亦累
德微塵能蔽明惕然此自訟逝將安吾精君子善推類
庶幾絕纏擾

閒多一身慵衰至百味淡祇覺事多廢所幸飯能啗一
氊吾菟裘取足不得儉名花向人乞野卉隨地擣縱橫
蔓綠繁仄塞寸紅艷天情燥濕占物性肥瘠驗屏巒窺
墻張鏡沼俯檻瞰忘適乃其適歸休亦何憾往者勵勤

志我針而與砭桂草付埃塈何物足點勘此會誠可欣
茲別恐非暫

暫別亦何爲江湖渺前期茫茫百端集惻惻兩心知把
臂畱幾日開懷如閱時寄情松石間我意亦爾爲此願
豈難遂何日果副之奔走近世事偃息甘牽羈加餐與
崇德不足爲我辭護子玉顏色貯以金頰黎晨薰都梁
香夕斟翡翠卮常常却災厄久久逾華滋接手太清上

鴻蒙與翾嬉

題陳笠漁五溪遊稿

遠適念明發端憂展遐賞殊鄉詎云美涉樂彌以愴君子逝衡嶠嶺渚修且廣登頓困投策沿洄聽鳴榜厓窺每攀組水宿或穿莽階天出寥沉躋地覺忽悅星辰如欲捫忠信不可仗蠻徼辨盤瓠叢笑錯狡狹深宵交虺蜴白晝恣罔兩諒無區中歡未辜物外想辛苦訴危柱勞歌動塵鞅偏澁幽興溢難道心長遙吟韻林於清嘯答谷響削鏑凝有神觀化若示掌荃芷時一逢踟躇慰孤往况以庭闈趨鄂贛復競爽銜思有離合卽事多慨慷蕭蕭緒風中落落碧雲上紛茲璆琳陳頗媿鐘鼓

響周旋奉副墨盈手素輝朗

倦游篇爲家心陔復來題畫

天涯渺難卽吾意其蹉跎江上無芙蓉蹇裳意云何吾
子好筋骨卅載歷坎坷陸豈無虎狼水豈無蛟鼈行行
爲誰驅萬里俯仰過詎云恃忠信遂可輕風波倚杖得
小休陶然契天和託宿在何許前途尙坡陀造物勞以
生未死敢有他息陰諒非遠逝者亦已多仰視滄浪天
效彼勞者歌努力爲我起斯路幸不訛甘受田父笑毋
爲僕夫呵詣借雙行縢以爲安樂窝

休復居圖爲毛生甫作

前水非後水古今相續流今人非古人一逝歸山邱形
影永不接心魂誰與收眇焉託豪素來往通綱繆水味
別淄澑人品殊剛柔所嗜復乖方何以相獻酬之子信
民秀造道能優優衷藝必一致通識資旁蒐遵途守大
雅枝葉皆毗劉長流指溟渤惶涼歡浮漚豈伊異趨操
自本固不謀相與抱微尚韶勉敦古修

晨興俯廣池露下清且瀾芙蓉坐銷歇秋慮淡如此愴
然懷遠人人遠室不邇褰裳云未遑寤語勞虛擬斯文

盛軌躅循之有本始正僞分較然傳緒瞭可紀指畫得
師承繼武望吾子命世亮有才胡爲久泥滓元黃謬讎
目鍾呂諾里耳閨中旣遠遠誰爲塞脩理登高望四荒
慷慨忽不止途長夢不飛吾衰已久矣

咏梅示蔣生丹稜

飛雪浩千里歛留空林端歲晏能華予私心爲磬桓茲
花幹時運造物忘其權抱氣豈不鬱有力足自完爛然
盛文章璀璨若玉簪冠覩鬢咸毗劉熟累疇嬰干青琅以
爲寶祇守木德酸調羹焉可望遑計身委盤及此芳菲

節相見常餘歡悶求醒心香飢當嚼冰餐人生幾花開慷慨成長嘆於天矢無負努力保歲寒

左葵之走馬長安圖

葵之抱葵心心爲傾陽紆枝葉成峻茂神理少華腴梁
廡一相見執手心肝輸爲言承素業忠毅舊門廬先君
困禮闈齋志歸黃墟誓當奮功名繼志斯不辜言寄邁
征志繪此走馬圖兄弟若驂斬後先取令譽賤子贈一
言君志真勤劬竊聞古賢哲揚顯非馳驅努力葆天爵
致身於天衢行已自有道不在長安途慥慥乃君子庸

庸非丈夫特以完初心亦可酬時需令名有終始介嗣
垂無渝以此廣君意散鬱聊爲娛賤子日躋躋徂影駸
柔榆再見不可期私愛盡區區

鄧完白刻印詩

嘉慶庚辰守之從余游粵東一日出其匣中所
藏先人完白山人刻印四方見貽予不覺狂喜
遂銘之以詩

刻印莫如漢刻者云誰何有唐吾家冰持論始有科至
元吾子行乃以精善誇明代不乏人文何揚其波櫟園

印人傳屈指一以多好尙各殊異臧否隨成虧大抵斯
藝貴原本篆籀塗六書得其理點畫咸可儀使鐵如使
毫所向無不宜當時漢魏人小學常不訛李吾文何輩
一一通蟲蚪蹙蹙大使之小所以能爾爲鄧翁負絕學追
冰而及斯游心入渺冥隨手出變化餘力作狡猾頑石
遭皇媧神趣在寰外阡陌初非奇頗恐後來者此道無
復遇觸目欣所遇且夕聊摩抄

陳雲乃司馬督運餉行圖

將漕非泛差飲餉古嘉會從容接杯酒慷慨陳大義繪

圖鄭俠心憂國祭遵志

謂少穆中丞芝擢方伯杜老懷

結輩下走亦云爾使君足經綸盡臣眷優異尋常投贈
中重此民生繫方今漕事急上下乃交獎官且不聊生
斯民可知矣皆云由運丁牴之不知止丁亦前致詞出
反固一理有人扼我吭取之甚於寄各自恤所底小人
敢放利此咎無所歸民窮忍坐視極重實難反止沸豈
無計使君廊廟才不日立殿陛謨堪造膝陳語不批鱗
忌九功皆可歌發輒定於是

次韻酬蔣適園

華頂洗頭盆船藕隨所植移之置潢沼無乃衰鳳德紛
紜廁芰蒹俯仰常默默有時發華耀似爲悅已飾清風
欣晤對赤日謝遐陟松榆傍作圍蜻蜓繞如織雖非招
涼館或謂華胥城撫然念前贊使我面欲絕此院何年
構彬雅集子墨擇地經屢徙規置事孔棘吾師首登座
抱經先生高文鬱華國藝圃拓藩籬荃蕙羅闌披華
何彼禮啟秀菀其特至今花木記油然出顏色下走忝
後塵鼴勉守遺則棟宇幸繕完琴書時拂拭穿徑出南
墳結茅倚牆側種樹豈所長物理稍能識所冀旦夕勤

峻茂如我臍養花沃其根養果去其蝕原泉能湜湜渭
沚自湜湜凡茲覆露功實賴邦賢力竭來三四年人事
慘追憶老成幾徂喪士類罔不盡楊敬樵祝櫻鬢子常

諸君先生今碩果遺種視含薏稼但力穠袞穰豈問豐

嗇門墻盛桃李一一仰封植投我錦字詩深愧無鹽刻
牽率答嘉藻神氣在離卽有如東家施掩袖畏花逼

題常熟趙閭鄉孝廉允懷遺照

昔歲得奉手去臍周旋再方喜高山仰俄然悲逝水雖
瞻遺挂存亦已少壯改驚見小於菟悄焉接丰采

卷之三

玉汝趙君以所藏欹器繪圖見示並序其傳守之

詳爲賦此詩

道家出史官作鑒閱興廢一簾而四益卑弱遠祇悔尙
象感屈伸銖兩辨進退特懸傾欹形妙作中理繪側若
鐘在虞含響待撞搘又似人循牆偃俯但見背坎流科
不盈人滿天所概顛趾分之過節腹永无癆摩抄桓宮
藏宜尼爲深喟珍隨泗鼎渝製賴征南再斯器傳有緒
云自天水代宜仁褒忠碩獻簡拜天賚浮沉積歲年傳
寶經幾輩君家故王孫歸與弓玉類乃祖明謹賢嶽立

壓朝案獻銘兕觥舌咋妣敷態文孫復羅此淳古雅
克配模雖傳范成道固典型在徂基肅紵緣酌潦謹濯
漸有尙心孚亨不敗德積載庶幾目爲瞿明發見諸優
識字別籀古箋證吾未逮

海棠對酒圖

道光三年三月十五日辨志書塾海棠梨盛開
時尹言趙君以謀兄孫嶽生住塾中張君懷白
亦以覓侶見過與同住予東西浪遊視家如客
不見此花之開者十有八年矣小雨時作冶紅

盈盈清譚未疲欣然命酌飲不及醉爲歡有餘懷白乃繪斯圖志之尹言持盃坐案右予兄五初對之坐嶽生捧壺侍尹言後懷白坐尹言之次予方徘徊花下子願捧觴趨而前一童子僕而進果榼袁二也一童子坐地窺鑪孫大也諸人無前期無招邀取諸目前俯仰自足懷白不求工不致飾率爾涉筆神明自超蓋皆興會所至天真應之者也夫家庭之衍樂友朋之會集時節之令草木之繁當其暇時開襟取暢此豈

人世間不可得之事然或一歲中數數有之或
數歲數十歲而不得一值則屈指前後有不能
無慨於中者矣况乎更數歲更數十歲欲展斯
圖視顏色有不堪置想者乎爲樂當及時古人
不吾欺也各有所詠聯之爲章

絲雨暢花意油然春滿前五月初新紅自融冶細綠相周
旋尹言花下拂石几忘言坐相看懷自清賞及茲辰何
如桃李園申者願持盈尊酒長奉百年歡願傾壺未渠
央莫放花枝殘歎生

意有未盡復成此篇

看花憶花年花年與吾偶先人所手種及見條似拇指小
年吾讀書與花日相守花邊三間屋弟左兄在右花開
卽攀條花落便攜帚兄先燕臺去五載薇窓牖花亦不
肯開開亦莫之叩比兄歸來日仍復並肩肘各自擁一
氈弟子常八九暝時爭汲泉開時共携酒坐看繁枝發
轉盼十年久無何弟從官太歲在乙丑一往困縷鞅若
風戴簷籯奉諱纔得歸客授尙奔走今年自誓苦自此
正邱首百歲已過半日月豈可狃春風正融逼春雨間

劉濶花意亦殊得爲我開笑口憶花初種時一根瘦蠟
黝今來三本並生理轉相受所聞惟讀書所見盡佳友
姿如潛蚌媚顏比使人憫花方及壯盛人已漸老醜膝
前各有孫兒孫美瑩琇仍然向花讀此屋幸不負三復
伊萬篇涕淚痛紛揉有書數萬卷有田數百畝餧粥麪
可供簡帙不外取薪木無毀傷庭除少塵垢盤中羅宿
脯畦畔剪新韭倚石招嘉賓率裾速諸舅此樂誰所貽
此福良已厚如此不知止對花忸怩否請借僧繇筆爲
我圖不朽歲歲長相保花前共攜手惟花聞此言持以

爲花壽

題惲南田畫

棲幽構煙藪賞曠轉蒼麓往蹤巖岫重結伴松桂足苔
深石氣古雲靜林光穆淙淙環急潔榔榔漱寒玉虛室
生凌兢微風度醃馥紅塵何處無茫然想空谷

江陰縣廨湖石次德明府韻

到公睹奇礓米老袖靈石五嶽放眼空一邱所懷特雲
煙良孕精草澤當物色藉守永貞貞豈假繁飾飾使君
標介如履扁方抱式補天工鑪鑿疏曲勇跋摩偶回雙

眸青睠此一寸碧近歡星辰捫遠謝屐齒歷邇爾養谷
神頡與羣動息寥天去安排大地等栽植坐愁朱顏凋
亦恐芳草歇瑰詞宜就鐫允以頌如璧

松下小桃花

松下小桃花偎傍何猗旎有如樂天翁樊素爲之侍天
天誠可憐落落殊自喜但嗟年齡促不獲保終始修短
各其天宴私夙所鄙紅顏自古多幾輩奉君子所以蕭
生奴耐答守穎士

養一齋詩集卷第一

養一齋詩集卷第二

武進李兆洛

七古

碑硯爲蕭恭孺作

蕭生小年能作賦爛若星斗羅心胸行沙明珠大如月
淮海之產真無雙此輒沉埋數千載一旦拂拭開塵容
何況真才有如此剖蚌作貢非奇逢故人贈此最光彩
莫嗟曳尾泥塗中

何湘文太守羅浮面壁圖

來南海始得見湘文老前輩于合河中丞節院
留宿授琴於同學諸子琴罷尊開輒陪言笑出
此命題率爾序述時道光元年四月朔日五星
聚寶壁間逾月餘日也

達摩手提一隻履踏遍閭浮參佛祖無端安壁自障礙
一面十年何自苦賤子飄蓬心頗謂尙平贊偶聞羅浮
佳便到炎海邊要追師雄飲綠萼那作退之尋大顛有
客羅浮山下住攜琴却過珠江渡一彈高山思窅然日
覩雲峯指間遇囊中更出仙山圖紅泉翠磴交盤紆岩

下老衲獨跏趺收卷相爲言彷彿存故吾猶憶少壯年
侍從承明廬烏府赤油管朱轎綠綢車馳驅三十載出
入萬里餘吾生行歸休林壑固足娛以彼止觀法息此
塵勞軀何必斤斤問五嶽無數好山皆奧區青鞋倘肯
從我逝曳杖蠟屐印當須聆琴讀畫意已暢縱酒劇談
神燈王不是逃禪蘿戶郎竟成入社陶元亮曹溪辛苦
事薰修何似安期汗漫遊碓觜一花開已了蒲根九節
倘堪求郢書更欲爲燕說事業名山待開闢循微試與
奏雲門昨夜五星方聚壁

文姬歸漢圖步顧廣文侍談韻

生世可憐惟女子至痛雖生不如死一身胡漢兩難拏
百種悲羞萬無洗流泉冰絕長嗚咽只剩心頭餘血熱
漫伴南飛玉塞鴻那堪回首天山雪暫抱琵琶立淺沙
此身歸去屬誰家上陽亦有三千女貼鬢呵花擁絳紗

鄧君完自登岱圖

日觀峯顛置完白人奇境奇兩難得畫之又得羅兩峯
叱石驅雲致不同斯遊奚止四十年我今展圖猶眼前
先生精彩固不敝奮袂盱衡見其概今我老憊復坎坷

行吟一室繭縛窩夜來有夢尙魂磊倚杖黃山看雲湧
嗚呼完翁那可再泰山鬼卒今安在獨立遠想成蒼茫
情惻語悄何能長會當尋君還大荒收攬魂魄從雲將

吳越王投水府龍簡刻本

錢塘江頭震鼉鼓文種子胥避強弩氣吞海若一何武
嗟哉此時真尙父山河入手膂力愆中朝四國方睂睂
投簡水府求長年此時暮氣抑可憐人生盛衰那能改
空笑乞靈向真宰力可抗海乃媚湖鐫鑿良金費文彩
祇今滄海生狂瀾裏蹄無數墳盧山不須漢武沈美玉

願得壯士關黃間

黃潛夫話廬圖應毛生甫屬

窮年咷嘒如酠醕發覆喜見經師毛口間泉流灑秋瀑
爲我宿物胸中澆一空氣垢抉文蔀流別細辨秋禽毫
十年足跡遍揚粵一時僑肸皆論交爲言叔度特超渺
行不可東言無驚常與貧人共年穀不會曲徑爭邪蒿
結廬何必東山謝高興聊託柴桑陶柴桑之情形問影
柴桑之話詩存騷斜川渙下恣歷覽丁龐周鄧相招要
我思晤語且未得欲言又苦同調才却從老農尋故訓

遐不謂矣心忉忉

和雲汀中丞二月十七日吳淞江工竣放水作歌

原韻

揚界淮海包江湖錯綜疆畎浮比闔壅卽一川可騰沸
利則萬派安徐趨豐凶苦樂總由此諒哉哉管子言水樞
河隄使者每失指解絃膠柱昧舉隅朝議或類臧三耳
道謀况載鬼一車前年支祁作無頗穿漕敢遏

天倉租公膺

帝簡特移節百輩刼刦公魚魚海王惕息効將送率輓

豈必資長渠夾碣遠師神禹智括船立破儒生迂內河
平行小苦滯吳淞泥濘百里餘今年下令急濬滌萬夫
荷鏸聽指呼先時綢繆握成算往事夏海空揚鋪稽經
周史胸若鏡景山度隰躬登墟細參呼吸辨潮性舊設
障間盡掃除帆檣爭湊佑客樂旱潦有備民安居長歌
浩然繪借樂快若央漢盪積淤頓令煙波入想像徑欲
泛艇撈蒼鱗鯀生家住北江尾入江渚港殊盈枯中間
孟河最關係爲公前席雍容揄此河自唐迄明代昔通
峩舸今乾轔京江東堵月河塞商舶賴此爲委輸兩厓

之田復高仰一滴水比天漿濡工經久廢事本鉅急思
借

帑計轉愚其西呂城有浦瀆下游相接堪櫛梳若通斯
河工較易功成爲利當不殊敬臚芻言乞清燕別白一
是求分區附呈土人鄭良弼言政方二文以備芻蕡之
採土民望公如望歲香花旦晚迎公輿

梁芷林方伯屬題仿禹鴻臚卜居圖

汀洲幾日過春風新蒲綠篠交蘢葱山光水影兩不辨
眼前一片青濛濛誰人縛茅此中住携幼招朋自來去

短艇橫浮蘋葉灘空晝斜倚垂楊渡當日鴻臚寫此圖
閒身真入畫中無百年粉本爭傳玩幾輩詞人費揣摩
自契天游齊位置江湖魏闕無殊致畫師也落第二機
詹尹何容知此事

次韻酬崧甫

手折疏麻訴荃宰黃河之清那能待願向蜉蝣借羽衣
酒如天漢花如海海邊漚鳥毋寒盟有璧不羨十五城
三萬六千場好醉花亦不老人長生會是排風有毛翮
何必黃山碧溪月不作花玉風露郎便爲江上菰蘆客

移來玉井十丈花孽取赤城千片霞偶然吟詩傾斗酒
拈一兩句不成首蕭蕭廣廷寥寥檐楹閒招步兵時呼
宣城爭妍盡環燕列侍皆飛瓊得吾子來喜難說是雖
隔屏如同宅朝看初旭海雲紅夜踏殘蟾楚煙碧造樓
何必畫糟邱醉中自有大九州灌園何必於陵子操劙
廉螬詎爲美人生行樂但有此螺蠃螟蛉等閒耳風冷
聊從禦寇遊霧濃莫入公超市飲中擣得新詩來云有
去志心低徊幾年舊雨愁陰閣幾日新歡笑口開幸結
閒緣好携手莫從駒隙爭然否他年人鏡新芙蓉江上

秋風試回首

次韻酬問亭廣文

先生之座七寶粧先生之署寒泉列謂禹公井我借春
風暫拂花飛來玉屑明于雪先生能詩不能飲斗酒空
爲石才折此花頗濃却道清此官已冷還嫌熱我有蓮
華妙法經酒酣請向先生說

汪桐生祺中采蓀圖

飽聞黃山天下奇此生蠟屐知何時曾登九華看雲海
天都列嶂如蛾眉天上仙靈此灑掃常叱乖龍種瑞草

世人採掇不知名孰起雷公辦莖橐有客探奇說壯遊
一枝一葉籠中收鹿啣鶴啄之所剩斷崖石麒麟搜
靈山催放雙柑去留核蟠桃幾成樹定是前身本謫仙
許灌芳園作瑤圃竭來畦畹竟何如懷夢聲風信有
無無分攜鋤與分種有緣點筆爲題圖卷裡烟雲看不
足可憐下士還塵濁長鏡白木且歸來杜老空山刷黃
獨

薛又洲課孫圖

又洲先生負奇氣跌蕩世事雄如文肺肝槎枒出芒角

齒牙慧黠流清芬一朝感遇短簷下廿年橐筆丹楓宸
曼倩詠諧妙天下公卿色動舌若捫厭承明廬求自試
翻然出作羣參軍江濱冷署苦寂寥事或不選熟豈因
不沉不浮又廿載染黑扳白何辛勤一階平進竟得隴
引年笑却巾車巾小年頗似母昭裔借書受侮心斷斷
同知薄祿曾有幾累寸積銖徐摭榆居然挿架一萬卷
朝咀暮飫忘其貧歸來買舫與同載盈倉寒艇難容身
三間老屋畧灑掃檢點羲軸先鋪陳小齋自署如執燭
低頭兀兀窮朝昏吾書豈可授庸子兒學已就姑課孫

周旋一室樂復樂謝絕羔雁無紛紜君家清望冠膝牒
累代名德承何紛卽今奇童見頭角轉盼繩武排風雲
展圖自詫還自笑我亦伏案爲寒蚊有孫九歲漸成長
懶不自課求他人芸人舍已固失據調猿御馬愁難馴
尋當從君學師法他日小友誇同門

祝賡颺焚香省過圖

吾聞文靖記過數黑豆又聞趙清獻告天恐負疚君子
之學戒自欺有過無過誰當知自省自訟無已時十手
十目常在茲君子行事世所希損以遠害義勇爲覩君

體胖識心廣豈于爾室留瑕疵蘧賢常恐過未寡遂覺
今是昨尙非開明牕揩淨几購都梁辦沉水朝焚烟青
暮煙紫吾謂非薰直猶耳文靖清獻一瓣香虛皇止止
真吉祥

經游擊克勒馬歌次德明府韻

書生騎馬如乘船抱鞬據鐙却復前但聞說馬翻色舞
直欲抵掌談幽燕長白叅軍得克勒于古大宛西海邊
一團黑雲護龍子三花十萬空轟聞時清無事作欵段
緩裝騎出驚閨廬坐令使君感髀肉思一蹀躞騰華轎

又愁徽纏累千里仰首一噴聲造天使君往年驅薄牽
此邦色笑頌乘駒尋常率馬及下走小駟卽戎將海旋
駿無可守願守跋力有可効當效牽黃金臺高馬今至
中原屬鞬甘執鞭嗚呼少陵老坡賦馬詩句子秋新決
波發電之足入手皆調馴

種壽堂觴菊聯吟頻年爲例今歲酒人星散頗覺
渺歎峻堂索詩率爾成此

金商一昔暄晴昊吹萬刁刁出空簾我上層岩招海濤
直壓天風發長嘯江上鼉鼈晝寂寥山邊草樹秋清峭

興來何處酒杯寬高閣臨街不須導尋花未涉徑三條
入座卽看花四照耀眼深深護錦窠聞思淡淡參香窖
渴羌但覺杯來遲觴政不行飲爭醻主人誰氏今清門
段干市隱能高蹈會節千斤通邑鮑澤丈三日南山豹
主人愛花得花意百甞環階日巡徼主人愛客盡客歡
侵曉蓬開夜燈燒主人愛花如愛客登諸高堂薦嘉號
主人愛客如愛花消息尊罍列寒燠我住江干已四年
花發年年折簡召招攜朋侶皆酒徒不幘不巾皆徑造
今年小覺飲興減酒半停樽自商較子丹佳人談亹亹

鬼唱秋墳蠭姑弔芝亭喬公七十誇豐鑠遽挹浮邱逼

松嶠

雲客

廣文

蕭生

兄弟

玉樹

行江漢

波長雁聲嘹

子

清子

蒼

陽

羨

溪頭

大小劉

出處

雖殊名無耗

彭甫春江

祝翁

當筵

最神王

危危玉山

每先倒

無端鶴病成襯

襤人血難求

孰爲療

子常回頭舊雨已

如此屈指晨星更

難料黃公芝盡甘冷官計日

門前倚征櫂

秋暮四門博

士本

阿鳳會

挿華簪

奉

明詔

仙九

知道明年種壽堂

對雨當歌幾同調葉落何

曾更上枝

夢酣無奈終成覺

卽是杯酒未爲貪分寸光

陰直須盜竹葉于人但有緣菊花向我常能笑攜燈出
門踏霜月高城嚴更已三鼓歸來和衣放倒頭枕畔烘
烘酒兵閑夢中言語信口拈如步虛聲半天掉頑君寫
向花間吟不妨再落參軍帽

神絃曲侑花神

銅龍轉漏天雞叫宿霧侵衣曉寒悄地底春從天上来
弱柳含顰杏花笑沿魂粘夢癡不飛春風爾來爲阿誰
成句狂蜂憇蝶坐相識芳心展盡紅葳蕤千聲彭肯花
腔鼓阿醋調絃阿奴舞捉搦郎當又一場海如酒盞霞

如炬神來神來入寶莊千花萬花齊侑觴醉時與訴花
煩惱同我通明奏綠章

吳越王衣錦還鄉圖

霸業江東又淛東苕源舞鳳更飛龍兎兒枉說金牀上
袞冕居然石鏡中中朝間道勤供獻尙父加封頒鐵券
辜負霜寒十四州甘心交臂慙昭諫故鄉父老望旌旛
擁纛從容願少休聞道紀年稱寶正依然小子說婆留
携持父子迎周道綺繡川原如畫稿鈴枕銅丸辛苦多
錦裘駿馬英雄老芒碭歌風亦有臺酒酣清淚欲沾衣

何如陌上花開日一曲春風緩緩歸

劉鶯峯照

暨陽酒人有劉髯方心直口生稜廉三杯入腹已兀兀
一藝得手常沾沾生徒環坐以十數左規右矩神明嚴
紛然投卷如落葉口講筆授無停淹矮壺深盞時自引
只愁瓶罄無人添悶來煮字不得啖往往索伴尋酒帘
槎枒肺肝得小豁雄談劇笑百不嫌髯年六十鬚未白
壯氣尚欲千人兼前歲田荆一枝折告靈涕泗悲僧謙
垂老支撑舊門戶益困瓊屑酬甕鹽坐令酒量比小劣

不敢張幟矜鋒銛誰與巧工肖尋貌阿堵神到秋毫尖
雲根趺坐意獨往拾得紫芝隨意拈僵立石丈出奇致
並竿跡竹能修蛾羽毛襯從兩鶴子欲飛不飛神正恬
此時頗復思飲否我欲徑前祛手摻雨歇春波乍搖縠
花殘新綠剛壓檐蠶豆將肥接燕筍河豚已過饒江鮎
君山大好酒場戶接離倒載誰我鈞不見山邊松柏路
酒澆土上脣甯霑平原青州任減否到口莫問酸與甜
古來聖賢皆寂寞青蓮此語堪針砭渴羌詩成舌轉燥
袖卷就髯求屬廢詩凡三百六十有六字請以一酌當

一縵

寄槎蕉窓自得圖

夜來夢入華胥庭曉起據几心神醒滿眼迷離墨雲湧
就中有客如傾聽頗疑清風當晝發或是快雨中宵零
捲畫推窗忽長笑窓前蕉葉方青青

江龍門射虎圖

江君昂藏熊虎軀飛而食肉苞英圖慨慷指掌天下事
腰下欲嘯青昆吾胸次雪白天爲徒炯然此氣雄萬夫
願君養之以守柔神不外耗精與俱深山且自友麋鹿

班奴何足當驅除會看馬首擁六纛十萬貔貅供指呼

顧侍讀廣文蓉湖漁隱圖

我家住傍芙蓉湖蜻蜓小艇伴渚鳬
蝦籠蟹簖足生計風簾雪笠饒清娛
夏來十里紅芙蕖綠雲一片烟平鋪
水清見魚任投餌釣竿真拂紅珊瑚
老去情懷百無賴問穀奚事方讀書
求食無端類蛩蟬招隱且欲爲蜘蛛
掘沼經營種蓮蕩花時倚杖聊踟蹰
自憐腰脚已非昔那得洗足眠菰蒲
眼前空明見此圖驚我霧眼揩模糊
雲水迷漫舊游處似曾相識煙波徒
君今光然負璜書

磻谿小坐非真漁翻令根觸滄洲興累宵清夢還敝廬
秋水方壯吾歸歟

錢懋溪撫琴圖

傍身置書卷籤帙燦精美名花與名香列廁別一几左
排古尊罍中想貯醪醴右乃位竹爐茶具紛可喜矮榻
方跏趺膝上眠綠綺一手按琴似應指欲彈未彈得琴
理一手臨爐炷松子引宮命操想心擬幕天席地了無
悶飯罷茶餘聊復爾老我披圖爲騷然那得書生福如
此昨夜南村桑苧翁琴書典盡釜無米

朱綠卿照

特立蒼官一何武彎環青士一何嫵性真
刻露得風霜意匠迷離足烟雨幽人或是綠衣郎
鑿翠開窓吟古香螺亭恰點平蕪淨黛岫遙排髻影當
固知卿自用卿法掃盡紅情歸檢押樹陰安穩儘高眠能
否綠尊容一呷

寄荆溪友人

有人讀得書五車胸次灑灑如無書名理窺窻一輪月
好花當眼萬琲珠羣從兼之遏未似風神想見瓊瑤如
可憐相聞不相卽兩沈水勢寬于湖

題吳湘浦松風水月圖

繪風宜繪松繪月宜繪水附物生精神空明出元理肖貌宜肖月肖神宜肖風圓滿悟色相游行超化工先生之圖妙于寄畫師點筆亦遊戲悅兮惚兮中有真聊爾索解題詩人

陳笠漁明府照

丈人清節淵以塞塵外翛然出奇特吟風弄月有情仙蒸蘭華芝太古色伊誰比德祇修篁照映鬚眉盡老簪却對清漣思綠篠鴉鋤分種向瀟湘在手春風衆造化

琅玕千尺知無價長成鳳子已千霄轉盼龍孫更方駕
閒依松蔭拂雲根香裊茶烟酒乍溫有分一尊傾竹葉
古歡長與此君敦使君阿閣儀毛羽暫屈鸞棲不言苦
早識錢塘一葉清旋瀉江國千花雨問寢承歡正及時
錦綉繡褓苗參差會移父母臺萊頌補註淇泉有斐詩
題朱瘦筠明經光耀久安圖

仲宣亦有言鵠鵠欺穉子但視若可得吾意亦自喜世
間安心法大抵皆爾爾唧唧穀穀八九頭相從蓬艾真

優游

養一齋詩集卷第二